

Chrestiens dās ce petit nombre qui firent leurs prieres, comme des perfonnes qui croyoient aller à la mort; fur la minuit ils entrent l'espée à la main, ils tranſpercent avec vne promptitude admirable ces pauures endormis: mais par meſgarde ils tuèrent vne femme de leur nation nouvellement priſe par ces Barbares; en vn mot, ils oſterent la vie à dix Hiroquois, ils en blefferent beaucoup d'autres, & deliuerent dix perfonnes captiues. Le combat ſe fit avec vn eſtrāge tintamarre, qui eſtes-vous? diſoient les Hiroquois; les autres reſpondoient à coups d'espées; les tenebres rendoient cette confuſion plus horrible. Vn grand Hiroquois percé d'vn coup d'espée, ſe jettant fur ce luy qui l'auoit bleſſé rompit l'espée en le colletant; l'Algonquin ſ'eſtant deffait de ſes mains le pourſuit à coups de pierres, l'autre l'ayant r'atrappé l'alloit perdre, ſi ſon camarade ſuruenant [49] ne luy eut donné vn coup qui le jetta par terre. Les priſonnières miſes en liber[t]é, ſ'eſcrierent à leurs libera-teurs, ſauuez vous, il y a quantité d'Hiroquois proche d'icy, ſi le jour vous deſcouure vous eſtes perdus. A ces voix, ils arrachent les cheuelures des morts, ils jettent en la riuiera de gros paquets de caſtors pris fur les Algonquins par ces déloyaux, comme il[s] ne les pouuoit[en]t pas emporter, ils ne voulurēt pas auffi que leurs ennemis ſ'en feruiſſent. Enfin ayans embarquez les perſōnes qu'ils auoient déliurez, ils ſe retirerent en lieu d'affeurance. Il ne faudroit pas grand nombre de ſemblables ſoldats pour donner bien de la peine aux Hiroquois.

Ces captiues ſe voyans plainement deliurées raconterent comme elles auoient eſté priſes. Pluſieurs Sauuages des païs plus hauts, diſoient-elles, ſ'eſtoient